


浙江通志 四十六卷


古蹟十二



漢書門類			
二三五二號	九〇函	一四架	二〇冊

二九	二	漢
一	三	書
一	五	符
〇	二	類
架	冊	號

內閣文庫	
番號	漢 2352
冊數	120 ( 24 )
函號	292 48



勅修浙江通志卷四十八

古蹟

衢州府

舊子城

宏治衢州府志子城在城之東東西為兩

夾門皆有樓南設門與麗譙相直環城內有馬路居

民築為園圃僉憲曹英開辟橫濶一丈二尺監郡伯



顏忽都築為新城今存荒址

舊三城 輿地紀勝衢故城有三一在驛馬橋之南唐

末黃巢之亂設寨於此一在開化寺北疑是定陽故

城一在章戴之白石疑是穀州故城也

宏治衢州府志三城廢置



莫考方輿紀要定陽城在常山縣東南三十里地名三岡遺址猶存天啟衢州府志穀州古城去州城二十五里城址猶存今為古城院疑即穀州故城

信安城 方輿紀要相傳在今城西宋宣和三年方臘

作亂始築天啟衢州府志信安故城在西安縣南六里

姑蔑城 元豐九域志在穀水南三里東門臨薄里溪

是也今東陽大末縣名勝志龍游縣北五里穀溪上有姑蔑城禹歷龍游縣志姑蔑

故城舊經云城東西二百一十二步南北一百六十八步高一丈七尺厚四尺周四百七十步至今人猶

呼寺城麓

大末城 輿地紀勝在龍游縣治西輿地紀要龍邱故大末也

武安城 太平寰宇記龍游縣武安故城唐證聖二年

置武安縣以地有武安山今邑已廢故城尚存

江山土城 天啟衢州府志在江山縣高尋二尺今不

存惟濠水自景星門入環縣治如帶

宋西安縣舊治 西安縣志按舊志縣治在先義坊距

府治五十步又謂在子城西北三里居仁坊元初燬

至元二十八年尹王茂徙於禮賢門外嘉慶坊大德

八年徙府治西至大三年始徙今仁壽坊

宋貢院 明一統志織染局在府治西北宋為貢院元

至正間改為局

元錄事司治 天啟衢州府志在府治西仁壽坊即今

西安縣治

元萬戶府

信安志在錄事西居仁坊

元蒙古學

宏治衢州府志在府西北四百步金紫坊

至元十八年始設教授

古姑蔑國

路史國名紀姑蔑一曰姊妹大末也  
萬曆龍游

縣志縣西北百餘步靈耀寺晉義熙中卽姑蔑故宮址建其伽藍神謂是姑蔑子

吳豐安縣治

嘉靖浙江通志在龍游縣境西孫吳置

唐穀州治

方輿紀要龍游縣北五里穀坡亭在穀水

旁唐武德四年穀州置於此

唐盈川縣治

太平寰宇記在州南九十里唐如意元

年分龍邱縣西梧山玉泉等鄉置盈川縣元和七年

併入信安龍邱二縣

西安縣志廢盈川縣去縣四十里城址尚存其下潭水至深丹

崖翠壁亦稱勝地龍游縣志盈川潭唐初建治於此楊炯爲令至今猶祀之

唐白石縣治

萬歷龍游縣志舊址在縣南三十五里

白石山麓

龍游縣志靈山與白石山相距里許爲邑南巨鎮或云卽白石縣故址

元陳村營

龍游縣志在治西南六十里元至元中立

唐常山縣舊治

元和郡縣志在今縣東四十里  
嘉靖浙江

通志在常山縣常山鄉今尚有街路

吳定陽縣治

宏治衢州府志在常山縣定陽鄉孫氏

置縣於此

晉信安縣治

方輿勝覽在常山縣招賢街下太康時

建

元草萍營

宏治衢州府志在常山縣二十五里至元

二十一年立

唐須江縣治

名勝志在江山縣唐武德四年分信安

之南川置須江縣以南有須江故名

唐武安縣治

嘉靖浙江通志故武安縣在江山證聖

三年割常山須江弋陽置武安縣以其地有武安山

故名今廢址尙存

宋禮賢縣治

天啟江山縣志宋咸淳間改江山爲禮

賢縣縣治在太平寺今禮賢鎮也城隍廟猶存

元江山軍營

宏治衢州府志在江山縣仙霞關

菱塘諸園

天啟衢州府志郡城東隅今卽楊公河舊

志塘濶近百畝中有長隄亘數十步環池島嶼縈紆

竹樹茂密東有邵祭酒之野航趙別駕之雪齋劉二

卿之壺中天宇余甸公之東湖道院趙安慶之更碧

樓劉南安之退菴西有劉江陰之別墅毛紫薇之水

園秋陸衡陽之環勝

南園

宏治衢州府志在郡城有春風樓

登春園

韶光園

宏治衢州府志並在郡城

西湖園 萬歷龍游縣志在縣治南宋馬天驥以樞密奉祠歸濬湖起花木亭榭擬杭西湖故名

留春園 嘉靖浙江通志常山縣留春園亭榭舊有一十餘所在縣治後

日涉園 天啟衢州府志在江山縣東白巖有飛瀑宋靖康末邯鄲李傳正愛其秀拔因治圃於此

趙氏園 宏治衢州府志江山縣西山景盤趙氏園內有梅泉

介園 開化縣志縣北石壁峭立有石梯橋勢若飛虹山石之奇不減西湖飛來峯今為蔣氏介園

河陽圃 崇禎開化縣志縣治內有河陽圃有友山堂熙春亭翼然亭放生池池心又有載月亭無塵亭觀民亭

雁序館 名勝志在郡城西唐咸通中刺史趙磷與其弟處州刺史瓚會別之處

景星館 明一統志在江山縣南五十步宋汪大猷辛棄疾皆留題

白雲莊 輿地紀勝在江山縣南三十五里石門有軒堂臺榭之勝邑人毛維瞻建趙抃題四詠

趙抃次韻毛維瞻白雲莊詩四首好山深處靜開軒目送孤雲手弄泉枕石堂無金玉富濯纓家有子孫賢初尋舊隱逢三伏

東傳江漢通元 卷四十一 五  
已發新吟僅百篇聞說夜分煩暑散涼颼渾似素秋  
天右掬泉軒亭號休休古退藏豈如溪上構虛堂坐  
邀城市真瀟灑却謂江湖太渺茫下筆新題無俗事  
指筇野服是家常臨流最有清風快未見古人心已  
涼右平溪堂治圃我依浮石灘築臺君占白雲山三  
秋一日登臨外千里同風咫尺間峯黛陰晴常黯黯  
溜琴朝夕自潺潺休官誰道何曾見林下如今兩處  
盟右晚望臺溪流回合逗方池軒檻時臨面翠微紫  
陌紅塵行不顧白雲青嶂坐忘歸方榮卽隱誰能繼  
未老先休世所稀我昔凌雲登閣會主翁留散見蟾  
暉右懶歸閣

龜峯堂

輿地紀勝在府治內

雙檜堂

晏公類要在州衙宋開寶七年建刺史慎知

禮記

雙石堂

輿地紀勝在州治廳左宋紹聖中守孫賁建

思政堂

天啟衢州府志在郡治宋守張嶽作

超覽堂

宏治衢州府志郡守吳興施公作

毛尹超覽堂記郡跨

龜峯之上南山爲最近反蔽於譙門之樓屋昧然不  
快於心太守吳興施公步過東山堂前嚮若堆阜岫  
起數仞上可容百人仰而望之則萬峯闐然出於林  
木之杪高者下者向者背者前者却者銳者平者如  
遊龍者如色雲者綠者如屏峙者如壁角秀爭雄表  
裏呈露頰仰萬殊蓋古今之勝槩盡於此矣其下曠  
野平川一俯千里近則連抱之木疎幹垂陰庇映左  
右乃作新之以爲觀遊而其南爲延宇植檻憑虛層  
軒遡風亢爽宏寬四達旣成遂以超覽名之又爲亭  
日月坡不逮戶牖之間几席之上飄然若決浮雲而  
遊乎埃壒之外也遂書以記之

景高堂

宏治衢州府志宋蕭忱作於郡治之後圃

聞人

阜民景高堂記大理丞永嘉蕭君忱以面對論當世  
務切於民者上嘉納之於是剖分左符至衢訪民疾

苦抑損先已期年民益安之郡之後圃初有庫屋五楹荒圯特甚乃仍其舊敞以軒楹環以流泉爰即中楹列三賢繪像清獻公里居孝弟所應繪事而范太史之系實寓居超化寺代有令聞視衢為歸紹興制旨且命范氏經理司馬文正之緒范所寓則文正公之所寓也乃以文正太史三像參繪清獻名其堂曰景高使元祐風烈奮厲乎百世之下  
豈特為登覽烟雲嘯詠風月已哉

塵外堂

天啟衢州府志在郡治

毛开塵外堂詩地勝無邇遠眇然契高躅

山色潤窗扉爐烟淨花竹玩世久忘名采真固疑獨門外三尺塵先生睡初足

中和堂

徐夢龍復建郡治記郡治舊有堂曰中和

承澤堂

天啟衢州府志在西安縣孔聖家廟西

雙桂堂

宏治衢州府志在府治西韓徽猷宅

獨清堂

名勝志在殷浩廟側趙清獻舊游之地

清陰堂

名勝志在南禪寺趙清獻舊蹟

昭慶堂

宏治衢州府志在郡城和豐門內宋吳煥建

崇恩堂

天啟衢州府志在西安縣狀元坊內宋留怙

登進士仕至開府建以寓報本之意

谷口堂

程俱有山居谷口堂詩見弘治衢州府志

臨清堂

萬歷常山縣志在縣東南宋趙希錡建

雙溪堂

輿地紀勝江山縣雙溪泉在縣市中有雙溪

堂為負邑佳處

祈年堂

天啟衢州府志江山縣登真巖有潭唐刺史

投龍祈雨名為天泉宋守范祖德作堂其址



世學堂 宏治衢州府志江山縣柴禹功受業楊時之

門時扁其堂曰世學

七賢堂 名勝志在開化縣華川黃泥嶺下宋少卿江

緯築公姪少虞齊漢與汪藻程俱李處權趙子畫七

人從游時人指為文中七虎云

江緯七賢堂拜星月詞退處鄉關幽棲林

數舍宇第須茆蓋翠巘清泉啟軒窗遙對遇等閒隣

里過從親朋臨顧草草便成幽會策杖攜壺向湖邊

柳外旋買溪魚便斫銀絲鱸誰復欲痛飲如長鯨吞

海共惜曛酣恐歡娛難再矧清風明月非錢買休追

念金馬玉堂心膽碎且鬪尊前有阿誰身在張栻和

拜星月詞十里烟堤百花風榭游女翩翩羽蓋綠柱

秋千盛花梢嬌對矧門外森立喬松日花爭麗猶若

當年文會廊廟夔龍暫卜隣郊外真率盤餐玉糝金

蓬鱸同蕭散寄傲尊巖傾北海佳處難忘約追歡須

再況風月不川一錢買便回首七虎堂中心欲碎干

里相思幸前賢猶在

逍遙堂 宏治衢州府志在開化縣北地名馬金宋淳

熙中汪觀國仕歸築堂後為包山書院

自娛堂 萬歷開化縣志在龍山鄉宋程如所居

程如自娛堂詩萬夫掉臂煩心熱一室潛身古道寒

得自謂平生無此歡雁鶩爭前問錢穀了然涇渭不相干

晚香堂 天啟衢州府志在開化縣南邑人元徐伯昌

所居伯昌詳究易理性嗜菊以晚香名其堂

高齋 方輿勝覽在西安縣治北宋趙抃歸老作此齋

西安縣志內有濯纓亭逸老亭水月亭皆朱文公書

扁趙抃退居十詠軒外長溪溪外山捲簾空曠水雲

閣孤清瞰碧流太空懷抱物華秋圓蟾默有中宵約

幾點閒雲為我收右池亭魚不能言似可哀竭池干

數競徘徊穀江深處呼童放羨爾優游得所哉右放

魚少時親手植雙松畫愛層陰夜聽風今日歲寒踰

五紀也應心似主人翁右雙松暑威何處稱疎慵百

本修篁小檻東時有清風送消息此君多在不言中

右竹軒動入和風靜惹烟翠條疎處露池蓮林中盡

是能吟物春有黃鸝夏有蟬右柳軒疎徑修筠郊外

居小亭隨意傍歸歟等閒早暮攜筇到池沼東頭是

舊廬右歸真亭亭上秋登遠目明濯纓誠不是虛名

晴波一片如鋪練浮石江心徹底清右濯纓亭累歲

辭榮得帝俞老來天幸有誰如腰間已解黃金印歸

有田耕二頃餘右附郭田鳥巨東西氣候秋于湖岡

隴暮雲浮欲觀古佛叢林地只用憑欄一舉頭右巨

山蘇軾寄題趙閱道高齋詩見公奔走謂公勞聞公

退引云公公心底處有高下夢幻去來惟所遭不

知高齋竟何義此名之設原吾曹公年四十已得道

俗緣未盡除伊臯功名富貴俱逆旅黃金知繫何人

袍超然已了一大事掛冠而去真秋毫坐看猿猴落  
置網兩手未肯置所操乃知賢達與愚陋豈直相去  
九牛毛長松百尺不自覺企而羨者蓬與蒿我欲贏糧往問道未應舉臂辭盧敖

怡顏齋 胡翰怡顏齋銘序 衢之超化寺昔朱子呂子

嘗寓焉寺故有雲山閣怡顏亭悉廢矣惟朱子所書

亭扁石刻余於祝仲文家見之仲文有吏能退居委

巷遂名其齋曰怡顏乃為之銘

克齋 名勝志 江山縣西山徐復殷家於此宋理宗賜

克齋二字

雪竹軒 名勝志 在郡齋有屋二楹中檻植竹敲風擊

雪音韻鏗然

覺軒 天啟衢州府志 宋元豐狀元黃裳來遊開化愛

招福院山水而寓焉寺僧構軒裳為題扁

聽雨軒 宏治衢州府志 在開化縣北汪觀國字廷元

於所居作逍遙堂翼之以軒扁曰聽雨與其弟端齋

燕息以終老復遺其子法從遊東萊之門時晦菴自

建安來過張南軒陸象山呂祖儉各賦聽雨軒詩以

美之 朱熹汪端齋聽雨軒詩試問池塘春草夢何如

風雨對床詩三熏三沐事斯語難弟難兄此一

時為母靜彈琴幾曲遣懷同舉酒千巵蘇公感寓多

遊宦豈不臨風尚爾思呂祖謙次韻聽雨軒詩弟兄

真樂有誰知頗憶蘇公聽雨詩小院深沉人靜後虛

簷蕭瑟夜分時對床魂夢歸燈火浮世身名付酒巵

書冊一窗生計足怡然戲綵慰親思

龜峯亭 輿地紀勝 在舊郡治內

月坡亭 天啟衢州府志 郡守吳興施公作毛升記

來月亭 名勝志 在郡圃蓮池上

蒙泉亭 天啟衢州府志 在府治平山堂後泉上

平山亭 天啟衢州府志 在郡治元大德癸卯治中陳

孚作自為銘今扁曰大觀亭 西安縣志 卽今游囑亭

羣峯亭 趙抃有登郡城龜峯羣峯亭詩

徵夢亭 晏公類要 在州衙之東唐豆盧署建 天啟衢

州府志 豆盧署初名輔真少旅於衢刺史鄭式瞻謂日子復

姓不宜二名乃書署字授之夕夢老父云聞使君與

君易名當四舉成名後二十年牧茲郡指一地方曰

此處可建亭臺後悉符所夢果刺衢於所指地立徵

亭 夢

風亭

宏治衢州府志在郡城吳興施德初建

西安縣志疑卽

今零觀亭在埭堰西南挺出一道如臺界於濠間今爲零祀之所

謹按郡志職官未刺史有施元之德初或其字也

雨亭

宏治衢州府志在郡城

關山亭

天啟衢州府志在郡城

毛拜關山亭詩遠峯巖然來近峯轟然出

作亭以延之入眼清爽兀何人切雲冠凜凜相映發有如衆君子可望不可屈平生謝宣城愛山甚饑渴笑談了官事獨往寄超逸捲簾新雨霽伏檻孤雲沒遙知尊俎外秀動龍蛇筆朝來有爽氣不待羣木脫心賞信無同佳人渺天末

風月亭

天啟衢州府志在郡城

觀稼亭

天啟衢州府志在城隍廟南下視平遠

入雲爲城中偉觀

捲雪亭

輿地紀勝在郡城航遠門外俗稱水亭門

峙舟亭

毛拜峙舟亭記太守吳興施公元之治衢明年作亭西溪之上旣成請以峙舟爲名而記之

日遲亭

瞿溥日遲亭記三衢多靈山惟石室以爛柯

著去郡治稍近因建亭於山上取昔人春遠日遲之

詠顏其亭

西安縣志亭在爛柯山青霞洞側令陳鵬年重葺名曰柯山亭

繡谷亭

程俱有繡谷亭詩見宏治衢州府志

穀坡亭

萬歷龍游縣志在縣北五里穀坡巖上宋呂

防建

天啟衢州府志穀水亭在穀溪山下王泌穀坡亭詩波紋端與穀紋同正倚闌干想像中更被輕劍橫截去斜陽染得半江紅

插花亭

龍游縣志縣南天堂山其山半為插花亭

冷公亭

萬曆龍游縣志在冷水華嚴菴相傳元末冷

謙曾寓於此

獨往亭

名勝志在常山縣容車山宋趙鼎建

沈與求獨往亭

詩林下何人伴歲寒亭前相對小檀欒年來聞道烟梢長乞與衰翁把釣竿趙鼎自題獨往亭詩亭前舊種碧琅玕別後何人著眼看上下溪流接潮水時憑雙鯉報平安

靈淵亭

宏治衢州府志在常山縣西白龍洞山

萃賢亭

名勝志在江山縣禮賢鎮邑人周穎建王安

石蔡襄歐陽修王安國范鎮梅堯臣吳光韓維韓絳

王祺石揚休蘇舜欽劉湜蕭公才李大臨吳宗復邵

必李際曾輩皇甫澄余藻張大有皆有詩

歐陽修萃賢亭詩君

家富山水占勝作高亭坐聽溪流響能令醉客醒陽生羣木秀寒入亂峯青吾子東南美人賢益地靈

始喜亭

天啟江山縣志在江山縣南面烟蘿洞宋嘉

泰三年令黃汝嘉名之

江山奇觀亭

明一統志在江山縣治西西山邑人擇

勝為亭宋令黃汝嘉題扁

竹亭

徐公遴開化雲隱洞記西山之北有雲隱洞洞

之勝在靈山之竹亭

天啟衢州府志在靈山寺側後移於西山之麓

無盡藏亭 萬歷開化縣志在和平通濟橋溪之西宋

會鞏題扁毛并有記

女樓 宏治衢州府志在龜峯嶸嶸間唐會昌中崔耿

為郡重作之名曰東武以識世封崔耿東武樓記衢

嶸嶸上其守之居西北角有樓以女名之耿按信安

分於東陽音姑蔑國也其地上當發女之舍次意其

號樓亦或在此國經無記宿老莫傳故莫知其所以

女名其樓之義者結構年深參差傾覆會昌辛酉歲

命工度其形勢難加補葺乃重作之上樓下室左右

昇降洞然無衝礙焉南附小樓舒二翼而抱之室立

壁垣樓徹戶牖有山在前有水在下浩然羣籟挈挈

哦哦陰魄懸光陽輝陞照一邑風景萬井人烟飄飄

然出乎虛無之際歷四候之變態觀萬物之動息安

其所安聊樂以處耿也本清河東武城人六代祖岐

叔諱鑣仕隋為散騎侍郎內史舍人交林館學士應

詔入都遂留於都會祖考太保忠公以道事君任冠

中外自并入覲報政冊勲復開國於東武城於戲大

凡為人後者動一意舉一足不敢忘其本因舊址作

新樓北向臨風萬感俱集強名東武以成愚志遂磨

貞石日而月之

書其所以然也

謹按崔耿以會昌二年為刺史撰東武樓碑記天啟

郡志藝文內訛為耿自古女樓記竟以耿為姓自古

為名而西安縣志亦承其誤

華豐樓 天啟衢州府志在西安縣西地名橋下西安

縣志元王都中建王逢衢州華豐樓望柯山江郎石

詩華豐樓信美登望久踟躕木落

偃王廟天寒姑蔑墟屏開山石遠盡

鎖洞霞虛不有從親役乘風振珮裾

永清樓 熙春樓 宏治衢州府志並在郡城

明遠樓 天啟衢州府志在江山縣治內宋知縣程準

建程準明遠樓詩帆帶暮雲歸別浦厓拖秋色落澄波天連尺五銀河挽月倍尋常玉鏡磨

奇氣樓 天啟江山縣志在長臺國史柴望建

文會閣 宏治衢州府志在郡齋即唐刺史季穀置二

石處

從山閣 夕佳閣 環映閣 景高閣 宏治衢州府

志並在郡治

雲山閣 名勝志在郡城超化寺後城上明一統志宋

守張嶠建

橫山閣 薩天錫有題烏石山仁王寺橫山閣詩

懷舒閣 宏治衢州府志在江山縣仙居院前有水

宋毛諫議注即其前為閣

高山閣 天啟衢州府志在開化縣西臥佛山麓唐末

長史胡公億所建高據四山為一邑冠

桂巖閣 名勝志開化縣東南馬廴溪之上五代時侍

御史江景房卜築於此前有山壁立百仞中有秋香

一本自石竅出與巖對峙宋隆興間七世孫侍御溥

構閣

萃清閣 嘉靖浙江通志開化縣金馬嶺金溪之水合

於此宋時建閣於上

芙蓉臺 宏治衢州府志郡城崢嶸山舊芙蓉臺在其

處

采月臺 明一統志在府城中宋時築

景高臺 明一統志在府城中

趨霞臺 常山縣志在金川門山巔

月波臺 天啟衢州府志在開化縣金錢山北宋山長

江天然建天然二子俱中神童科朱子過訪為書月

波臺 朱熹月波臺詩潺潺流水注回塘中作平臺受晚涼四面不通車馬跡一尊聊飲芰荷香韓公

無復吟花鳥楚客何妨賦葯房少待須臾更清徹月華零露洗匡床

殷浩宅 元豐九域志在西安縣基地猶存土人號曰

殷墻 天啟衢州府志在西安縣南六里信安故城中浩在晉為中將軍建元間北伐為姚襄所敗廢

為庶人貶居於此其址猶存道傍有小石室其神為介冑之像

鄭革宅 宏治衢州府志在西安縣矻石山五峯拔起隱

者鄭革居其下夜見光怪訪其處得古劍戟二

趙抃宅 宏治衢州府志在西安縣北五里孝悌里初

抃喪繼母與弟拊廬墓縣令過勸榜其里曰孝悌築

闕立表樓鑰為書忠孝之家 明一統志趙抃故居宋咸淳中郡守立為清獻

書院

王安宅 名勝志西安翠微山宋招討使王安所居

陳師錫宅 宏治衢州府志在府治西南隅宋崇寧間

陳師錫謫居於此民愛其賢故稱陳殿院宅



毛自知宅

西安縣志臥龍山在縣東其下為宋狀元

毛自知所居亦名狀元峯

馬天驥宅

萬歷龍游縣志資福山左為馬府即宋樞

密馬天驥宅

陸秀夫宅

龍游縣志縣南有桃源宋陸秀夫以忤賈

似道嘗棲於此今呼尚書塢

王介宅

嘉靖浙江通志常山縣賢良峯宋王介讀書

其下後舉賢良第一故以名峯

江躋宅

明一統志常山縣北鷹峯宋侍御史江躋故

宅在焉

樊曾宅

天啟衢州府志常山縣北有疊石崖上有窟

宋學士樊曾居焉

徐國鎮宅

天啟衢州府志常山縣西形弓山宋咸淳

間徐國鎮讀書其中愛之遂徙居焉

祝臣宅

天啟衢州府志在江山縣郎峯下

毛漸宅

天啟衢州府志在江山縣禮賢溪西

毛注宅

天啟江山縣志並在鎮安清漾

柴弓宅

衢州府志八行柴弓宅在江山縣長臺

徐揆宅

衢州府志宋徐宅卿宅在江山縣仕陽

毛晃宅

嘉靖衢州府志在江山縣沙堤宋鐵硯先生

毛晃父子閉門著書處今爲高齋書院

姜夔宅 天啟衢州府志在江山縣石城

吾衍宅 天啟衢州府志吾衍元初居開化縣石井後

寓杭之生花坊

洞菴 宏治衢州府志在郡治塵外堂傍

仙巖洞天 明一統志西安縣仙巖太祖兵下江西過

此鄉書仙巖洞天刻於石

溪菴 趙抃有題毛維瞻溪菴詩見衢州府志

幽巖精舍 周必大烏石山題名烏石山龍游境也其

上幽巖精舍今爲宗室儀泰孝王功德寺

潛心室 嘉靖浙江通志在江山縣長臺宋柴禹聲建

青霞洞天 方輿勝覽在開化縣 崇禎開化縣志內有妙高臺翰雲磴寂光

菴谷口堂雲巢繡谷堂梅谷普潤池妙湛池崇蘭塢漆林竹嶺聽雲菴翠軒菊泉見程俱詩題

雙石 西安縣志郡治前有小蛾眉峯唐乾符間刺史

季穀置砦龍山得二石長六尺取置文會閣宋淳化

間郡守慎知禮移於治前積土爲峯後訛爲郭璞墓

宋紹聖中郡守孫賁發之宣和中郡守高至臨復歸

故處明郡守李遂又復去雙石植於游矚亭之側其

發雙石處卽今戒石亭也

石鼓 天啟衢州府志在龍游縣九里橋葉公宅外余

端禮幼時從學一日赴學早門未啟端禮假寢鼓上  
葉公夢黑龍蟠鼓起視見端禮焉

烏石山古松 龍游縣志 山口古松一株幾歷千禩婆

娑特甚

浙江通志卷四十八

修浙江通志卷四十九

古蹟

嚴州府

古郡城 嚴陵志 在今淳安縣乃郡城舊址吳賀齊所

築縣西古城基則其外城也

晉太子城 新定續志 在今淳安縣西梓桐鄉普慈山

之巔相傳晉太子嘗避地築城於上今跡猶存

始新城 水經注 浙江又左合絕溪溪水出始新縣西

東逕縣故城 方輿紀要在淳安縣西六十里威平鎮吳賀齊置縣於此

古嚴州城 名勝志 在桐廬縣西十五里桐江西岸隋

仁壽二年鴻臚寺丞蘇綸築

桐廬故城 萬曆桐廬縣志在縣西二十五里吳黃武

四年梁隋開皇九年并縣入錢塘其城遂廢今孝泉鄉漏港有故址存焉

古縣城 嚴陵志在桐廬縣治西北十五里唐貞觀二

十年廢桐江西岸城改築開元二十六年以水患復

移城桐江口即今縣治是也故邑人謂此為古縣城  
嚴州府志元張士誠令其部將劉真據桐廬謀築城毀安樂塔及牛山臨江扶闔取其砧石掘地作河事尋寢今市心及漏港一帶隱然隆起者皆新城址也

唐富之城 方輿紀要在桐廬縣東南三十五里南齊

承明中築地名舒灣 宏治嚴州府志富之富陽人

居桐廬南齊承明二年冬聚眾作亂郡丞張思祖遣浹口戍主楊休武拒戰大破之事載南齊史今相傳為孫思亂時寓之築城以禦寇自齊承明上距晉隆安孫思之變八十有六年不知舊經何據也

遂安古城 萬曆遂安縣志在木連村溪北唐武德四

年遷縣治於今處其故城廢而址存

壽昌舊城 嘉靖壽昌縣志即今桂村東臨小溪乃七

里橋也城壕形跡尚存

新昌城 方輿紀要在壽昌縣西永平鄉孫吳時置

昭德城 方輿紀要在分水縣西北嘉德里唐寶應二

年築

宋遂安軍節度治

嚴陵志在子城正南宣和三年知

州周格建門曰遂安軍門

宋州治

嚴陵志舊在子城內正北宋宣和三年知州

周格重建元未燬

宋諸廳

新定續志通判廳在軍門內西添差通判廳

在東山下淳熙丙午陳公亮創知錄參軍廳在嚴州

門內街西司理參軍廳在嚴州門內街東路分廳舊

無定居南渡後在堯率寺東觀察支使廳節度推官

廳觀察推官廳司戶參軍廳司法參軍廳並在遂安

軍門內東偏

宋倉庫

新定續志都倉在子城東門內街北平糴倉

附常平倉軍資庫在儀門外街西甲仗庫在州衙廳

西廡樓屋上回易庫在儀門外街西公使庫在州衙

廳東廡樓屋上抵當庫在州東比較務抵質庫在遂

安軍門內之東醋庫在遂安軍門街東合同場在善

利門內都酒務在嚴州門外比較務在州東下市贍

軍務在和平門外都商稅務在比較務東東津稅務

在東津神泉監在望雲門外

宋軍營

新定續志遂安軍在子城內即嚴州治也威

果營在望雲門內街南雄節營在望雲門內街南崇

節營在軍門內街東壯城營在安流門內牢城營在州南寧節營附在牢城營屯駐兩指揮並寓廂軍營

宋貢院 嚴陵志舊在兜率寺西淳熙乙巳知州陳公

亮就州學之西建

宋建德縣尉司 嚴陵志在府治東南隅之阜俗坊今

稅課司即司舊基

漢新都郡治 萬歷嚴州府志舊在新定里今淳安地

名勝志淳安縣在三國為始新即新都郡治在隋為新安即睦州治也

吳新安郡治 嚴陵志在淳安縣城正北依山阜為之

即今縣治

漢始新縣治 嚴陵雜識在今淳安縣西六十里永平

鄉名勝志後漢書建安十三年遣威武中即將賀齊討安縣歙因表葉鄉為始新縣此置縣之始今縣

西六十里永平鎮有賀將軍祠志稱縣在永平鄉者是也

漢始新尉治 水經注立始新之尉於歙之葉鄉

隋雉山縣治 嚴陵志在淳安縣南二里大業初遷於

此唐神功元年徙今治

漢新定縣治 太平寰宇記漢建安十三年置新定縣

今遂安縣 詳見城池

隋遂陽縣治 萬歷嚴州府志舊在遂安縣之本連村

唐武德四年遷於五獅山之南是為今治

吳新昌縣治

嚴陵志在壽昌縣西永平鄉六都花園

平吳分富春立新昌縣治於此今地名猶曰故城坂

元西塢寨

嘉靖壽昌縣志縣西南梅峯之頂望金衢

二州之境歷歷在日山有壘號西塢寨乃元時鎮守

之地

唐昭德縣治

嚴陵志在分水縣西北生仙鄉嘉德星

唐寶應中析分水置昭德縣於此

唐分水縣尉司

新定續志分水縣尉廨相傳為唐時

建宋政和間簷瓦墜有唐會昌四年八月字

宋定安寨

新定續志在分水縣東二十里吳村

瀟灑園

輿地紀勝郡治圃之總會也舊名後樂

杏園

新定續志在郡治瀟灑園池之西

北園

新定續志在郡治自為一區淳祐己酉知州趙

孟傅改建讀書堂

西園

新定續志通判廳有園曰西園為亭三曰第一

開亭舊名梅亭曰愛蓮亭曰仰高亭舊又有茹亭湛

碧蔬畦三亭建德尉嚴康朝撰西園記

多慶園

名勝志宋新定驛舊在州南門外謂之行衙

即多慶園舊址

水竹園

新定續志在桐廬縣定安鄉地名吳村唐乾

符間吳瑛舍園為長樂院

桂館 輿地紀勝在郡治瀟灑園池之西

西館 嚴陵志在安泰門外

東館 嚴陵志在府城東南五里前臨江岸今為富春

驛

定川館 萬歷嚴州府志在定川門外臨歙江

錦溪館 陳彛繡衣堂記余治淳安淳熙辛丑夏四月

既葺錦溪館又一月而繡衣堂成乃屬王君勉書大

書其榜

雉山館 嘉靖淳安縣志在縣西南五代時建

桃李莊 新定續志在郡治瀟灑園池之西

相莊 萬歷嚴州府志宋齊龍高淳安人創讀書之室

聚徒授學

昇平圃 新定續志在分水縣街前揖嚴山後帶雙峰

亭館久廢

高風堂 新定續志在郡治治事廳之東紹興七年知

州董彝建 正藻高風堂記漢之二祖皆以布衣取天

角里先生世祖時有若嚴子陵皆人主不得而臣者  
園綺四人避秦之亂入商雒山帝雖高此四人召之  
莫能致也嚴子陵亦厭新室之暴不肯辱其身逮光  
武立猶披羊裘釣澤中雖三聘僅能一致而卒不為  
帝留是五人者出處豈不相類哉然園綺之徒晚從  
太子之招畫自安之策正國本於談笑而史不記其



所終故西漢之士聞其風而慕之者以計行爲得而風節減於功名子陵本帝故人既物色求之而來高卧不朝帝爲親幸其館漢焉不應終其身退耕於野故東漢之士聞其風而慕之者尚風節以功名爲不足道也子陵世家富春旣歸耕於家後人名其釣處爲子陵瀨今釣瀨并臺俱存而富春之境析爲嚴州紹興七年吾友董弁令昇爲是州期年政成乃爲堂於州治之左日從賓客觴詠其上而名之曰高風以景慕先生之賢且立文正范公所建祠堂碑於其傍而求子文爲記令昇可謂能尚友千古矣故余論先生出處大概以告令昇使併刻之

思范堂

新定續志在郡治瀟灑樓下

嚴陵志後人思范仲淹之遺愛

名故

秀岐堂

新定續志郡治黃堂之北舊名省心知州錢

可則以近郊獻雙穗麥因更此名

黃堂

新定續志郡治設廳之北爲黃堂舊名疑香

賦梅堂

嚴陵志在府治面山閣下卽黃堂舊址宋淳

祐十二年知州季鏞以黃堂扁於設廳之北易名賦

梅

燕堂

新定續志在郡廳事之北又北爲綠陰堂

南薰堂

新定續志在通判公廳右嘉定癸酉通判謝

采伯建

錦繡堂

新定續志在通判廳南薰堂右淳祐辛亥通

判吳溥建

風月堂

新定續志在通判公廳後宋景定庚申通判

曹元發仍以舊扁題之

平分風月堂 新定續志在添差通判公廳後

琢句堂 嘉靖淳安縣志在縣治內宋嘉定元年知縣

鄭湜建 鄭湜琢句堂記湜至淳安縣治東有讀書林又東有堂四楹其北東及南又各挾一室而

皆無名訪其營創之始則曰前二十年令章君子獲為之他日披地志縣初號始新自吳歷晉宋齊梁陳

為新安郡治在隋唐為睦州後改治建德改曰新安日雉山口還淳曰青溪宣和間又改今名方昔之為

新安也溪山之勝聞天下今縣治在半山間前臨溪其南羣山萃然爭出若顧若揖忻於相遇跋其東溪

亦可見乃即其址而南之再旬浹而屋成凡規模短長略皆如舊前加崇軒面勢羣山高明亢爽絕出巒

塵之外遂為縣治環偉絕特之觀取東波送李陶通直赴青溪有溪山琢句新之云遂以琢句名之

勤清堂 嚴陵志在淳安縣治內宋嘉定五年知縣楊

恕建

待問堂 嚴陵志在淳安縣學宋淳熙六年知縣陳華

建嘉定九年知縣應與權改名謹教堂十三年知縣

趙崇斌改名崇化堂淳祐四年知縣趙崇嶠改名化

成堂

萬溪書堂 萬歷嚴州府志在淳安縣邑人方有開建

朱熹為書扁

睦山堂 葉適睦山堂銘序周茂良居睦源家傍山拱

水揖望神洞白雲遠近顯敞作屋聚書草木修列余

名之曰睦山堂

敬悅堂

錢時敬悅堂記吳正甫築堂曰敬悅又築亭

於池上曰詠春既為作隸古字且為記

聞絃堂

萬歷桐廬縣志在縣治宋慶元五年知縣陳

宋興建

招隱堂

新定續志在釣臺書院紹興八年知州董彝

建

清風堂

遂高堂 新定續志淳祐辛亥知州趙汝歷

重建釣臺書院由官廳而右為講堂榜曰清風北為

複屋榜曰遂高

萬卷書堂

萬歷桐廬縣志在縣後宋進土方懋建

思遜堂

萬歷嚴州府志在壽昌縣治縣在萬松山宋

時枕山為思遜堂

淡月齋

嚴陵志在府治西安泰門外西湖

虛舟齋

張栻虛舟齋銘序遂安詹儀之體仁闢齋於

便坐以其虛以長也則題之曰虛舟

正己軒

嚴陵志在淳安縣治宋建

挂笏軒

名勝志淳安縣尉廳西序嘉靖淳安縣志乾

道中尉周操建

周莘挂笏軒記今吏部尚書周公歲

序為藏修校讐之地面勢羣山壯聳聯峙名之曰挂

笏軒迨今三十稔莘適踵後塵至此則其室已墟矣

公與尚書公同里通內譜與其廢詎宜後莘曰興不專乎賢廢不必乎愚以周公而興之誠賢也其所以廢之者果皆愚乎廢而復興者果賢乎願推之於適相值而長其賢愚可也請於邑大夫得官錢十萬以供是役取故名書以揭於楣間

梅隱軒

新定續志在淳安縣尉司

羊裘軒

新定續志在桐廬縣釣臺書院紹興四年知

州顏為建

瑞芝軒

萬歷嚴州府志在桐廬縣禪定院宋紹興間

張浚訪分水王縉憇於寺中經宿而芝草生僧構此

軒以表之

聽松軒

萬歷桐廬縣志在縣南俞深著書之所軒側

多松

觀魚軒

萬歷桐廬縣志在質素鄉俞星叟隱居

植賢亭

松月亭

新定續志郡治治事廳之東北為

植賢亭為松月亭

銀潢左界亭

新定續志郡治內東溪射圃之南有亭

曰銀潢左界舊名飛練

賞春亭

嚴陵志在府治內後圃宋嘉祐中知州趙抃

建

趙抃賞春亭詩羣芳開遍滿亭隈當盡芳尊醉看來始信春光無限好亂山窮處亦花開

環翠亭

輿地紀勝在郡治千峯榭之東

錦窠亭

新定續志在釀泉之南舊名采岐寶祐中知

州吳槃改今名

擬蘭亭 新定續志在郡治掬泉為流觴曲水舊名流

羽其東北為釀泉

秀亭 新定續志添差通判廳有秀亭枕東山為之足

遠眺望寶祐癸丑通判楊敬之重建越三年乙卯通

判吳堅以舊扁題之

翔蛟亭 新定續志在郡治東溪之南

環溪亭 方輿勝覽在郡城中唐建 方干睦州呂郎中郡中環溪亭詩為

是山才登望處風光便是武陵春閒花半落猶迷蝶白鳥雙飛不避人樹影蟬餘侵枕簟荷香坐久著衣巾軒來此地多山明主奚容借題詩

盍簪亭 新定續志在郡治東舊名東館淳祐中知州

季鏞重建

分歛亭 嚴陵志在府治南紹興八年知州董弁為亭

以待艤舟者以其下臨歛江取孫權分歛之義為名

溪山偉觀亭 新定續志在郡城朝京門南與南山瀟

灑亭相望羣山獻奇二江成字桅櫓下上一舉目而

盡得之景定辛酉知州錢可則建

孤高亭 輿地紀勝郡城西山上舊有孤高亭

玉泉亭 萬歷嚴州府志玉泉在府城東烏龍山麓宋

時嘗構亭於上 趙抃玉泉亭詩潺潺朝暮入神清落澗通池繞郡廳亂石長松三十里尋

源須上  
玉泉亭

萬松亭

嚴陵志在建德縣北烏龍山

瀟灑亭

新定續志在建德縣光孝寺後山上

錢可則登瀟灑

亭詩有緣結得南山境瀟灑亭高最可人此景古今吟不盡熙熙客裏且行春方回兩至南山飲瀟灑亭詩悠悠桐江水萬廬十二年重來六日內兩日登南山南山有何好高閣西北偏隔江三千家一抹烟靄間閣檻一巨松挺出衆木前野性所酷愛老藤相糾纏亦如我與僧相對談幽禪稍遂物外性屢寫酬中篇故侯復齊民鬢髮成華顛念當舍此去焉得長周旋

泳澤亭

新定續志在湖隄上與湖心寺相望傍爲二

亭曰淨碧曰汎清景定辛酉知州錢可則建

湖光亭

嚴陵志在府治西和平門外跨西湖紹興七

年知州胡寅建

聖泉亭

方回聖泉亭記建德縣尹卜君元奠禱雨烏

龍山旣而送泉還山有井木出古湫底取視則昔人所書聖泉二字令尹乃議復其舊而識之

晨光亭

嚴陵志在建德縣湖心寺東一名浸雲

安流亭

新定續志在郡治東朝京門外江滸

要津亭

萬歷嚴州府志在建德縣南濟川橋景定庚

申知州錢可則建

凭遠亭

秋風亭

深秀亭

環碧亭

嚴陵志並在

淳安縣治圃內宋建

昌亭 嚴陵志在淳安縣東十里梁天監二年郡守任昉於此亭送客

物外亭 輿地紀勝在淳安縣南山上林木陰翳

青溪勝槩亭 嘉靖淳安縣志在縣南南山下百丈橋

南岸 嚴陵志舊名南峯亭後改為樓

溪山風月亭 宋用張溪山風月亭記環淳皆山也青

溪之南有梅花峯其下風潭百頃今程子以中構亭

其間名之曰溪山風月

泉亭 嘉靖淳安縣志在仙翁井一名冷水亭

皆喜亭 嘉靖淳安縣志在縣南七十五里遼嶺之巔

其山峻絕至此皆喜

鶴迹亭 嘉靖淳安縣志在合山之下獅子山仙翁廟

側

更清亭 西麓亭 山亭 新定續志並在桐廬縣圃

萬歷桐廬縣志淳熙間縣令向灃建更清亭明正德中知縣張瑩得更清石刻於土中置於後壁

豐亭 嚴陵志在桐廬縣西社稷壇上宋嘉祐中令劉

公臣建

合江亭 嚴陵志在桐江口舊名濟亭宋治平間令曾

黠改名臨江亭元絳復改為合江亭後為合江樓亦

登覽之勝也 新定續志淳祐中知縣楊瑱重建王堃書扁吳子良為記李恭合江亭詩一絲

風下碧雲天亭上牕開霽色鮮嚴子釣臺青樹裏桐君丹竈白雲邊千家畫棟前朝屋百里清江過客船瀟灑桐廬幾興廢野花山鳥自年年

艤棹亭 桐江游錄桐廬南瀕江其地頗雄勝宋嘉定

十七年令趙汝憚建亭於上

望江亭 萬歷桐廬縣志在縣北鳳宮嶺嚴陵志宋時

高僧儀鳳山立

乳泉亭 嚴陵志桐廬縣珠山之側有乳泉上有亭

遐矚亭 桂崖亭 名勝志在桐廬縣東鳳凰山宋丞

相曾懷嘗寓此築遐矚桂崖二亭以資游息

砥如亭 萬歷桐廬縣志在縣西北宋紹興中里人袁

昇建

拱翠亭 嚴陵志在桐廬縣西舞象山前宋紹定元年

令張拱新之

鳳凰亭 萬歷桐廬縣志在桐君山

東臺亭 西臺亭 新定續志釣臺有東西二臺東臺

舊有亭更爲亭於西臺對立相望淳祐辛亥知州趙

汝歷建

客星亭 程敏政客星亭記嚴先生祠之東故有客星

閣宏治丙辰巡按吳公瀚至嚴州詢閣之故址不獲

乃於祠西得地焉易閣爲亭以還舊觀



天下十九泉亭 嚴陵雜志釣臺下泉甚甘茶經品第

亭 天下水味此泉居第十九舊時江岸有天下十九泉亭

玉泉亭 萬歷桐廬縣志在富春山下宋淳熙十一年

郡守陳公亮以泉色如玉建亭江瀕榜曰玉泉

錦峯繡嶺亭 萬歷桐廬縣志在富春山峽中元至正

元年總管羅廷玉建

三公不換亭 嚴陵志在富春山前元至正元年總管

羅廷玉建

許劍亭 宋遺民錄釣臺對岸謝翱墓右有許劍亭其

友方鳳以翱作許劍錄故作此亭從翱志也 州府志

桐廬嚴侶以翱無子與社中友買地釣臺南葬之築此亭

汐社亭 嚴陵雜志在釣臺南宋謝翱有汐社因以名

亭

清心亭 登雲亭 飽山亭 筋橋亭 貯清亭 新

定續志並在遂安縣治

巖姿亭 新定續志在遂安縣治依山爲之

薰風亭 嚴陵志在遂安縣治元達魯花赤邊玉律建

潺湲亭 名勝志在遂安縣唐會昌六年縣令李公廉

建去治南二十五里

山亭 新定續志遂安縣山亭記知縣孫應時撰

雲宅亭 新定續志遂安縣雲宅亭記吏部員外郎朱

異撰

大觀亭 萬歷遂安縣志在縣北瀛山書院

極目亭 新定續志在壽昌縣治山上山川之勝映帶

左右

南昌勝景亭 新定續志在壽昌縣衙景定庚申知縣

黎舉德建亭之南榜曰屏山第一峯

涵碧亭 嘉靖壽昌縣志在縣治宋景定庚申令黎舉

德建其亭做舟爲之

龍首亭 新定續志在壽昌縣東青龍山景定間知縣

黎舉德與邑人徐南一築亭其上

聖水亭 嘉靖壽昌縣志在東岳行祠元至元乙亥知

縣尹子玉作

小蘭亭 嘉靖壽昌縣志在九曲洞溶溝作九曲以泛

觴題咏甚多

清風亭 沈周有壽昌清風亭詩

白雲亭 晏公類要在分水縣唐羅萬象隱於紫邏山

築白雲亭而居

高青亭 嚴陵志在分水縣學宋張卽之書扁

望江亭

新定續志在分水縣東五里

窪泉亭

分水縣志在縣東南白沙嶺宋建

濯纓亭

新定續志在分水縣甘泉寺東

瀟灑樓

新定續志郡治正堂北舊名紫翠嚴陵志宋

宣和中知州周格建

范仲淹瀟灑桐廬郡十絕瀟灑桐廬郡烏龍山謁中使君無一事心與白雲空瀟灑桐廬郡開軒即解顏勞生一何苦日日面青山瀟灑桐廬郡全家長道情不逢歌舞事遙舍石泉聲瀟灑桐廬郡公餘午睡濃人生安樂處誰復問千鍾瀟灑桐廬郡山半是茶輕雷何好事驚起雨前芽瀟灑桐廬郡家家竹引泉令人思杜牧無處不潺湲瀟灑桐廬郡下家起畫樓相呼采蓮去更上木蘭舟瀟灑桐廬郡清潭百尺餘溪翁應有道所得是嘉魚瀟灑桐廬郡嚴陵舊釣臺江山如不勝光武肯教來瀟灑桐廬郡身閑性亦靈降真符一挂臨老悟真庭

謹按范仲淹以仁宗景祐元年為郡守周格以徽宗宣和四年為郡守是瀟灑樓之名起於周格因仲淹有北十絕而名之也

鼓角樓

嚴陵志在府治儀門外宣和三年知州周格

建

洪音樓

萬歷嚴州府志在府治西上有巨鐘

勅書樓

萬歷嚴州府志在府學宋乾道五年知州張

栳建

甘棠樓

嚴陵志在府治西善利門北城角俯臨西湖

白唐有之

光風霽月樓

新定續志在添差通判公廳左宋淳祐

十一年通判潘堦建

聚星樓 嚴陵志在淳安縣馬巖山方逢辰讀書之所

天邊風露樓 嘉靖淳安縣志在縣東二十里瀕江宋

邑人盧瑀建方逢辰為記盧瑀天邊風露樓詩十二

歷輕帆轉烟樹重幽鳥啼但覺興隨流水遠不知

身與白雲齊年來先寄東君信多種梅花在屋西

讀書之所蓬萊山人為記

白雲樓 名勝志宋淳安邵炳築樓名曰白雲隱其上

時稱白雲先生嚴陵志在淳安縣東靈巖源

慶豐樓 新定續志在桐廬縣衙東酒壚寄焉

逐高樓 嚴陵志在桐廬縣釣臺前宋淳祐十一年郡

守趙汝歷建

竹樓 萬歷嚴州府志在桐廬縣西北安樂鄉萬歷桐廬縣志

晉戴顓寓桐江王羲之往訪之因游於此作竹樓

玉華樓 新定續志在分水縣衙東酒坊在焉

面山閣 新定續志在郡治錦窠亭之東

潺湲閣 新定續志郡治荷池之東為潺湲閣

夕暉閣 嚴陵志在府治西安泰門外西第

觀風閣 嚴陵志在府治北拱辰門外

竹閣 萬歷嚴州府志在府治西能仁寺南偏宋景祐

中范仲淹守郡日嘗賦詩後人更名思范亭紹興九年重葺復舊名嚴州府志思范亭即竹閣基明知府

劉綱塑文正像其中以居成公配之范仲淹和章岷推官同登承天

寺竹閣詩僧閣倚寒竹幽襟聊一開清風會未足明月可重來曉意烟垂草秋姿露滴苔佳賓何以貯雲

惡與霞盃劉述和題竹閣詩竹閣寒相倚雲窓曉共開開身方外去幽意靜中來聲響風隨籜陰移石止

苔暹露更清夜待月露盈盃名勝志右二詩治平中刻石置於思范亭謹按竹閣詩見於范文正公集郡志作阮逸誤也

江閣 方干有桐廬江閣詩

靈香閣 嚴陵志在建德縣西北兜率寺宋熙寧中學

士蘇頌為記

曇華界閣 建德縣志在城西西湖寶華洲上

瀟灑閣 方回有南山寺瀟灑閣詩見桐江續集

聖醮閣 嚴陵志在桐廬縣治北城隍廟側宋建令為

公館

競秀閣 明一統志在桐廬縣東下瞰長江景為一邑


之冠宋米芾書扁嚴州府志昔人號為小金山朱翌競秀

閣詩輞川遙展右丞圖盤谷中藏李愿居龍睡潭深飛客棹鳳鳴枝老結吾廬但令蠟屐去前齒安用鴟

夷託後車西望子陵三十里烟雲來往問何如

高風閣 嚴陵志在釣臺東宋紹定元年郡守陸子適

建



東傳清江通志卷四十九

客星閣 新定續志在釣臺書院紹興四年知州顏爲建

雲峯烟水閣 新定續志在釣臺書院臨流爲閣宋淳

祐辛亥知州趙汝歷建後改爲山高水長閣元至正

元年總管羅廷玉修

鳳鳴高閣 萬歷桐廬縣志在桐君山

清芬閣 萬歷桐廬縣志在白雲源宋景祐中范文正

守睦謁方干故居有詩云幽蘭在深處終日自清芬  
後人因建閣名曰清芬

清暉閣 嚴陵志在遂安縣郭內相傳宋時建郡人姜

師仲記

戴星閣 新定續志在遂安縣治

冷風閣 嚴陵志在府治東高風堂北卽干峯榭之基

月臺 新定續志郡治思范亭之北爲月臺

釣臺 晏公類要桐廬縣西二十九里有嚴陵釣臺嚴

陵雜志富春山上東西二釣臺漢嚴子陵隱釣處

注桐廬縣凡十有六瀨第二是嚴陵瀨瀨帶山山下  
有石室嚴子陵之所居也嚴陵志嚴子陵釣臺山邊

有石名爲釣壇東西對峙高百餘丈下瞰大江古木  
叢林鬱爲麓藪宋景定中范文正守睦乃建嚴先生

祠堂於臺下其東巖絕壁乃唐處士方干舊隱由其  
地勝景絕人多留題元祐八年縣令鄭琬集古今詩

文二百餘篇名曰釣臺集釣臺考證宋開禧元年郡  
守孫叔豹於富春山絕頂榛莽中得廢田頃許文見

功修新工道志 卷四十九 古蹟十一

屋址碑石之類當是嚴先生田廬先生故居在嚴山之下今有嚴村居人皆嚴氏自以為先生之後云詩 渾鈞臺詩天晚日沉沉孤舟繫柳陰江村平見寺山郭遠聞砧樹密猿聲響漉澄雁影深榮華暫時事誰識子陵心又鈞臺絕句潮去潮來洲渚春山花如錦草如茵嚴陵臺下桐江水解釣鱸魚有幾人

思臺 嘉靖淳安縣志在縣東南盧溪元孝子姜兼所

居兼終喪時陟其上望墓哀號因名思臺方道叔思臺文集序

姜君之里為盧溪居鈞臺上游水尤清澈旁小阜特起宛與鈞臺類君終喪未歸猶旦暮登陟其上遙望隔浦松栢向墓號慟以寫蓼莪無窮之戚表其臺曰孤苦望思太守單懷薛公起吾為之記

江公望宅 嚴陵志在府治西南里仁坊宋諫議大夫

江公望所居嚴陵雜志內有天井

方儼宅 嚴陵志淳安縣都督山漢方儼所居儼嘗為

大都督因以名山

方昊宅 名勝志在淳安縣五代方昊以節義自高講

學上貴精舍以終其身

邵冕宅 萬歷嚴州府志淳安縣霖巖洞昔邑人邵冕

讀書於此其子炳復築室於洞側隱居焉元祐中通

判楊備訪之為名其洞曰霖岩

商瑗宅 嘉靖淳安縣志在遼源芝山采嘉祐中西夏

都知兵馬使商瑗入朝奏事因留家焉今山麓多商

姓所居

錢時宅 新定續志在淳安縣拾賢里融堂先生錢時

所居其講學著書之所為齋者四曰高齋冬窩安素  
蜀阜為堂者三曰此山敬止慶光登臨吟咏之所為

亭者五曰歸然歲寒咏歸山翁野翁吟光風霽月其

歸自史館乃創經史閣以貯書籍萬歷嚴州府志滄浪亭亦亭可亭並

在招賢里  
錢時故居

黃蛻宅 嘉靖淳安縣志在縣東龍山鄉合洋朱淳祐

間黃蛻所居今為柘山書院

方逢辰宅 嚴陵志在淳安縣靈巖山宋時方逢辰舍

其下更號蛟峯

方逢嘉宅 名勝志在淳安縣馬巖山下逢嘉累薦皆

辭號曰巖隱

呂人龍宅 嘉靖淳安縣志淳安縣鳳山在永平鄉有

呂人龍者居其下為世名儒

盧珏宅 新定續志在淳安縣雙玉里珏宅產雙竹知

州李介叔名其里曰雙玉

胡椿齡宅 嘉靖淳安縣志在東湖藕絲山宋進士胡

椿齡居此

胡杲宅 嚴陵志淳安縣雙源宋有胡杲五世義居

桐君宅 晏公類要在桐廬縣東一里

許邁宅 名勝志桐廬縣西常山晉許邁自餘杭來結



樓以居其址尚存

戴顒宅 太平寰宇記桐廬縣戴山宋徵士戴顒所隱

處

萬歷桐廬縣志縣東戴山劉宋時會稽戴顒與其兄弟來隱於此絕頂頗平傍有九田灣有顒煉丹

鼎

陳京宅 萬歷嚴州府志在桐廬縣歌舞鄉風泉里京

至孝刺史蕭定以聞旌其門更其鄉曰至德里曰

魯大歷十年立石紀其事

方干宅 呂祖謙釣臺記嚴陵瀨之旁為白雲源乃唐

詩人方處士之故廬范文正公之游釣臺也嘗絕江

訪其遺跡以其像真祠之左

嚴陵雜志方干初居桐廬之鷓鴣源後徙鑑湖

家唐元英詩翁之故居北宅乃元英遠孫提幹君秘

不除思歸一步是天源林中法華雙臺月洲上春深

九里花繩樹述為含細雨寒湖音郭卷平沙聞御却

轉盼東山麓彷彿見柴門啼猿助悽切亦復銷我

風雅天所敦相携就茅屋一笑酌瓦尊

李頻宅 嘉靖壽昌縣志在縣西永平鄉八都

出窮吾道東西自未能捲簾惟對鶴開書獨留僧落

章八元宅 萬歷桐廬縣志常樂鄉章邑里唐進士章

八元家於此

呂本中宅 萬歷嚴州府志本中寓居桐廬縣蘆茨源

黃裳宅 嚴陵志在桐廬山中垂雲洞黃尚書裳所居

裳自號紫元居士改洞名紫元

江端友宅 萬歷嚴州府志江端友寓居桐廬縣蘆茨

源自號七里先生

劉元珦宅 嚴陵志在桐廬縣西北十五里今寧國寺

詹大方宅 萬歷遂安縣志在五獅書院之後宋樞密

詹大方故宅其孫騏中淳熙狀元因名其臺為狀元

臺下有漱芳亭

翁洮宅 名勝志在壽昌縣西十里青山下唐聘君翁

洮隱居之所 翁洮春晚歸故山書亭壁詩旋構危亭傍小池綠楊修竹遶池圍樹藏鶯轉雨

初過花引蝶來春未歸踟躕半生底事放懷今日始知非從今更與沙鷗約我已忘以莫飛

胡楚材宅 嘉靖壽昌縣志在縣西南默山宋秘書郎

胡楚材以剛直忤權貴歸隱此築室其上故址尚存

周大雅宅 萬歷嚴州府志在壽昌縣艾溪南大雅廬

墓三年有羣鳥馴其旁趙清獻抃請於朝錫以束帛

改其鄉曰至孝里曰求忠

邵嘉言宅 嘉靖壽昌縣志宋吏部侍郎邵嘉言宅在

縣西永平鄉七都

童淑宅 嘉靖壽昌縣志宋贈太尉童淑宅在縣南仁

豐鄉童源

葉三省宅

嘉靖壽昌縣志宋封遂安縣公葉三省宅

在縣西永平鄉六都

葉義問宅

名勝志壽昌縣西四靈山宋樞密葉忠簡

義問故居在焉

施肩吾宅

嚴陵志在分水縣延招鄉今多施姓皆其

後裔有施憲者藏肩吾告身注云睦州分水縣桐峴

鄉寶城里人

嚴陵雜志皇祐中邑令陳倩作肩吾集序謂肩吾出於延招觀冊告則云桐峴

鄉寶城里今縣境不復有此鄉是後世改為延招耳

徐疑宅

嚴陵志施肩吾徐疑皆分水人疑居柏山

肩吾居延招今二村以施徐為名而宗裔甚繁

千峯榭

方輿勝覽在州宅自唐有之嚴陵志在府治

東北偏跨子城之上宋景祐中范仲淹重建下為松

關後人重建易名曰冷風臺紹興二年知州潘良貴

復舊名

方干題睦州郡中千峯榭詩豈知平地是天

沙鳥向池來窓中早月當琴榻牆上秋山入酒盃何事此中如世外應緣羊祜是仙才

木蘭舟

新定續志郡治荷池之西為木蘭舟舊名荷

淨

三墩

嚴陵志一在通判治前一在建德縣治前一在

水南俗傳為郭璞窰

讀書林 新定續志在淳安縣治圃內

柵源 明一統志在淳安縣東吳賀齊與山越戰樹柵

於此

宋齊邱石室 舊浙江通志在淳安縣東北蔗山旁宋

齊邱讀書於此

錦沙村 太平寰宇記青溪縣錦沙村傍山依壑冠軍

吳喜聞而造焉彌旬忘返嘆曰名山美石故不虛賞

青溪村居 戴叔倫有青溪村居詩

峙里石門 嚴陵志在淳安縣西四十里輿地志云石

門闕神門也常為霧塞無人得見

仙壇 名勝志在淳安縣西北數里有岡阜隆起昔洪

氏即其中架屋名曰仙壇

仙居書屋 萬歷嚴州府志在淳安縣南遼源溪洞嶺

商輅構

松竹林 嚴陵志在桐廬縣治宋政和間令黃預建

董舉圻 名勝志桐廬縣西獨山下有白水湖傍有晉

夏孝先孝子泉唐里人司徒董舉居泉側天旱舉露

禱運石瀦水既而沙漲成圻因以為號

滄江書舍 嚴陵志在桐廬縣西北十五里距江不百

武乃唐比部方助之別業宋名儒方慤之故居

錢王擔石

嚴陵志在桐廬縣西北二石重疊人呼錢

王擔石

錢王水穴

名勝志在桐廬縣赤洲嶺相傳吳越王錢

鏐徵時嘗憇嶺上其當膝處忽成穴有泉涌出名錢

王水穴

藍田精舍

嚴陵志在桐廬縣西北藍田山宋時里人

姚勢創精舍於上遺趾在焉

太湖書屋

嚴陵志桐廬縣太湖塘里人俞蓋築室湖

南以為讀書之所號太湖書屋

鳳市

嚴陵志俗名鳳墓在分水縣西舊傳昔人開古

塚有鳳飛出因於其側名鳳市有雛橋大小雛村之  
名

柏石

新定續志郡治高風堂北有柏石刻壽柏二字

識其古也

石船

新定續志在建德縣胥口西瀕江叢石中長一

丈有半宛然小舟也

能仁院鐘

嚴陵志州城能仁院有一鐘制度頗工吳

越錢元珮鑄

古枝木

舊浙江通志在遂安縣十一都山頭相傳唐

古時物

古虬松 舊浙江通志在遂安縣琅瑯嶺根柯斑駁若

古虬龍相傳秦漢時物 在遂安縣十一帶山題辭新

羅漢松 萬歷遂安縣志在縣東惠安寺寺唐時建有

羅漢松二株今存其一 在遂安縣十一帶山題辭新

古靈鐘 舊浙江通志在遂安縣元至元十六年造後

遷於縣東樹聲樓 在遂安縣十一帶山題辭新

備其古也 在遂安縣十一帶山題辭新

勅修浙江通志卷四十九 在遂安縣十一帶山題辭新

勅修浙江通志卷五十一 在遂安縣十一帶山題辭新

古蹟 十二 在遂安縣十一帶山題辭新

溫州府 下 在遂安縣十一帶山題辭新

舊子城 萬歷溫州府志在今府城內梁開平初錢氏

始築周三里十五步通四門內衛府治外環以水元

至元十三年廢為民基止存譙樓門址

舊城門 萬歷溫州府志舊東門在舊州治東有樓名

華蓋又名東樓亦名華蓋門南樓門在舊州治西南

宋末為右相都監衙永豐門在舊州治西北奉恩門

在城中北俗稱海壇江山門在拱辰門西名來化俗

勅修浙江通志 卷五十一 古蹟十二

勅修浙江通志 卷五十一 古蹟十二

勅修浙江通志 卷五十一 古蹟十二

勅修浙江通志 卷五十一 古蹟十二

勅修浙江通志 卷五十一 古蹟十二

勅修浙江通志 卷五十一 古蹟十二

稱寶幢門明洪武十七年塞定安門俗稱上門與來  
化永清二門相聯在城西北宋高宗回鑾由此三門

其名以此洪武十七年塞

張又新華蓋樓詩一岫陂  
叱疑綠草千重虛翠透紅

霞愁來始上消歸思見盡江城數萬家李兩山華蓋  
樓詩三十六坊如掌平長橋短艇水縱橫銀河一道

江連海畫幃四圍山繞城老樹煙雲春綠暗小橋  
簾幕曉紅明陰陰翠影誰家屋夢覺草池鶯一聲

新城 萬歷溫州府志新城去府城六里在江北賢宰

鄉郭璞初議立城於此後遷過江今其地為田野猶

稱新城云

樂清縣故城

隆慶樂清縣志唐天寶三年始築僅周

一里元廢

詳見城池萬歷溫州府志縣城故址唐築  
舊門東曰登瀛以宋王十朋魁天下故名

南曰清遠西曰  
承流北曰祥雲

舊州治 名勝志在譙樓大街正北明洪武二年以為

衛治

萬歷溫州府志舊治在城西南華蓋橋西宋高  
宗建炎四年正月丙午御舟次於章安鎮甲子

泊溫州港丙寅次館頭戊辰幸福聖寺二月己卯次  
江心寺庚寅御駕自拱北門入民家皆結綵奉迎至

永寧橋百官拜伏道傍山呼震地上停輿慰問至今  
巷名萬歲球儀衛由五馬新街至州治以州治為行

宮譙樓為朝門州宅為宮禁扈從甚嚴以崇德寺為  
都堂儒志坊張氏宅為州治庚申回鑾駕至上門帝

問橋名守臣盧知原對曰上安問門名對曰定安上  
大悅百官萬姓隨班至江次上慰諭久之始登舟去

賜溫州仍  
舊充州衙

宋推官廳 萬歷溫州府志今溫州府治是也

唐永嘉縣舊治 元和郡縣志永嘉縣即漢回浦縣之

唐東甌鄉唐上元二年於此置溫州縣移在州東百八

步詳見公署

吳羅陽縣治名勝志在瑞安縣吳時縣治在北湖魯

魯晉太寧間遷於邵嶼遂墟其地

晉橫陽縣治元和郡縣志晉太康元年分安固縣南

橫嶼屯置橫陽縣溫州府志今平陽縣地

眾樂園明一統志在郡城西舊郡治北縱橫一里中

有大池塘亭榭碁布花木彙列宋時每歲二月開園

設酤盡春而罷永嘉縣志今府城隍廟皆其舊址

五美園永嘉縣志郡東南大羅山傍有茶山上有龍

潭其下有五美園黃淮游五美園詩清曉肩輿入翠微溪流曲折護巖扉布金甌地徒

威幻卓錫為菴信不非翠竹黃花俱淨供風聲鳥語總禪機碧潭龍女知人意收却陰雲送客歸

柑園楊蟠永嘉百咏有柑園詩

玉介園萬歷溫州府志郡城東偏華蓋山上有玉介

園永嘉縣志王叔杲叔果築陽湖別墅肅咏其中名其集曰玉介園稿

西園王十朋有昌齡弟新闢西園詩又西園十咏詩

在樂清

趙園溫州府志在瑞安縣金甌陳傅良游金甌趙園詩脉脉循簷水林林

夾岸山令兒從竹下領客入雲間稠木客人過懸崖着手攀從今名字出不到徑苔斑

上浦館明一統志在府城東七十里



樂成館

溫州府志樂清縣舊有樂成館唐建

孟浩然樂成館

中懷歸詩異縣天隅僻孤帆海畔過往來鄉信斷留  
滯客情多曠月聞雷震東風感歲和蟄蟲驚戶穴巢  
鵲盼庭柯徒對芳樽酒其如伏  
枕何歸與理舟楫江海正無波

招仙館

東甌遺事樂清縣簫臺下有招仙館

蓮花莊

溫州府志在郡城會昌湖上宋鄭泰臣之故

居

湖莊

趙師秀有和陳水雲湖莊詩見溫州府志

宋莊

王十朋宋莊詩注宋侍郎別業在思遠樓之南

有軒名遙碧

西堂

方輿勝覽在州宅

歐江逸志謝靈運西堂春草池在華蓋山下即夢惠連得

句之所今遺跡尚存

讀書堂

明一統志在舊郡治謝靈運讀書於此

謝靈運齋

中讀書詩昔余游京華未嘗廢邱壑矧乃歸山川心  
迹雙寂寞虛館絕諍訟空庭來鳥雀卧疾豐暇豫翰  
墨時間作懷抱觀古今寢食展戲謔既笑沮溺苦又  
晒子雲閣執戟亦以疲耕稼豈云樂萬事難並歡達  
生幸可託

清心堂

明一統志在舊郡治

呂由誠清心堂詩夜榻  
卧看池上月曉窗吟聽

竹間風此心所得無多  
事要在靈源一點通

秋香堂

萬歷溫州府志在舊郡治後

君子堂

萬歷溫州府志在舊郡治舊名芙蓉亭在天

池中三面皆荷花

總政堂

溫州府志在府治元建

趙鳳儀溫州路總政堂記

視事所也夫治國如治絲然紛者整之散者一之總之義也溫為浙左上路領二州二縣坐總政者有監有長有貳佐領挈而裘振也表正而影從也其總政之義與堂始於至元庚辰距今四十年而與翔顛末無一語以示厥後予以延祐丁巳冬來守詢吏民莫知所對作而言曰是予責也已春秋一門一臺之微必書慎其事也況總庶政達萬民者乎是宜書

夢草堂

萬歷溫州府志在今衛治後即謝靈運西堂

劉基夢草堂遣懷詩即事在自得強歌非正音所以春草句聲價重兼金若人千載下遺響邈難尋淒涼一池塘賴爾得至今我來當杪秋天淨潢潦沉枯荷有餘香衰柳無殘陰鼓鞀響未已山水意徒深感時念兄弟惻愴傷我心

戲彩堂

方輿勝覽在倅廳通判趙虬迎其父清獻公

掛來遂名

蘇轍戲彩堂詩春曉安輿過浙東永嘉別業喜無窮橐裝已笑分諸子更道何妨向

薛公

百詠堂

萬歷溫州府志在府治東

西射堂

晏公類要在州城西南十里

謝靈運晚出西射堂詩步出城西門遙望城西岑連嶂疊巘粵青翠杳浚沉曉霜楓

葉丹夕曛嵐氣陰節往感不淺感來念已深羈雌戀舊侶迷鳥懷故林含情尚勞愛如何離賞心撫鏡華緇鬢攬帶綴促衿安排徒空言幽獨類鳴琴

東山堂

名勝志在永嘉縣積穀山下宋周行已建

翁卷

東山草堂詩城隅古謝村博士草堂存惟見烟霞起全無市井喧鶴來巢木杪龍出戲蒲根消得吟詩客憑關看幾番

海月堂

楊蟠永嘉百咏有海月堂詩

適堂 追遠堂

萬歷溫州府志宋永嘉孝子仰忻宅

內

嘉忠堂

永嘉縣志在馮成宅宋高宗書嘉忠二字賜

之遂以名堂

遺愛堂

王十朋題雙峯資溪堂詩注周開祖昔令樂

清有遺愛後人因以名堂

資溪堂

雁山志在雙峯寺後

同心堂

萬歷溫州府志樂清朱古學登宋嘉定第四

世同幾因建同心堂

明通公溥堂

萬歷溫州府志在平陽縣元元貞元年

重建名公溥堂

林景熙公溥堂記平陽縣治

容更其名曰明通公溥之堂至元丁丑燬越四年辛巳重建廳事及儀門兩廡元貞元年縣陞州改創譙樓前瞻偉美獨未構繡衣之使省風戾止據案決事退食西偏觀聽不肅大德辛丑秋太守孫筠謀於佐曰是不可無堂自經始至落成不浹月大備乃即舊名縮為公溥堂

萱竹堂

葉適沈氏萱竹堂記瑞安北湖山水閑美沈

君體仁始治園觀遲客有亭延月有臺室最大曰萱

竹之堂沈君為詩十章聞者皆和北湖之勝遂誇一

時

讀書齋

晏公類要城內西偏有謝康樂讀書齋

幽慵齋

東甌遺事永嘉高則誠有幽慵齋

高明幽慵齋自咏詩

閉門春草長荒庭積雨餘青苔無人掃永日謝軒車  
清風忽南來吹墮几上書夢覺聞啼鳥雲山滿吾廬  
安得嵇中散  
尊酒相嬉娛

初心齋 萬歷溫州府志平陽鄭樸翁所居

止齋 仙巖寺志陳傅良讀書處 陳傅良止齋月夜書  
懷詩送客門初掩收

書室更虛新篁高過瓦涼月下臨除行處纔  
扶杖餐時却饋魚今朝風日好莫問夜何如

觀瀾軒 溫州府志在郡城宋建

翠幄軒 溫州府志在郡城宋建前有榕樹甚巨 楊蟠  
翠幄

軒詩海榕根倒出皮幹亦輪  
困或問壽幾許千年為一春

不負軒 隆慶樂清縣志縣治有不負軒 王十朋題洪  
丞不負軒詩

坐此軒無媿問君何以能所行皆是學不負豈惟丞  
見鷺文書靜槐松詩思凝博陵徒種績踐履亦何曾

綠畫軒 溫州府志去玉簫峯二十里樂清孫氏之別

業 王十朋綠畫軒記出簫峯西南二十里有山遠隱  
若虹霓之狀俗謂之霓山樂安孫君之居得霓山

之勝峯巒奇偉林麓靜深有泉發於其下可飲可灌  
於是枕山而立棟宇因流而蓄池沼結軒向明收拾

景象軒之外有嘉木數株修竹千挺蒼鬱蒼翠嬋娟  
蕭洒播為疎枝舒為濃陰舞清風搖蒼烟影明月漏

山光之窈窕陰碧沼之漣漪禽鳥宅其幽龜魚息其  
陰左右青山環合映帶藍黛之色與天連碧四時不

凋眼界常清望之宛然如在畫圖中蓋此軒之佳致  
也主人與客日飲於其間寒光入座秀色可掬明瑩

杯盤冷襲襟宇翫清氣爽深盃不能發其醉情舒興  
遠高歌不能寫其逸觀者在旁疑其壺觴几席皆圖

畫中物賓主僕從皆圖畫中人也  
有客常游茲軒陪主人之清尊覽景物之幽奇寓之於目得之於心有

若不能忘者主人曰客為我名之客曰予嘗讀韓退  
之南山詩有濃綠畫新就之句愛其清新峭拔恨斯

景之莫見今此軒之秀庶幾其彷彿采其語而名之  
可乎主人曰可客為記之客曰軒宇景物之大槩四

時朝暮之氣象生絹一幅可得而畫也濃綠之句可采而名也若夫清風一來披雲拂玉天籟之奇非絲非竹雖神工妙手有莫得而模寫博物辨口亦不能形容也予將何言

龍壑軒 吳子孝有龍壑軒夜坐詩見雁山志

流觴亭 名勝志在舊郡齋東偏宋守樓鑰建甃池為

山水繪蘭亭修禊圖於壁

芙蓉亭 明一統志在府治

中山亭 永嘉縣志郡城中山有亭在鹿城書院側雖

小阜係郡之主山也

醉筠亭 萬歷溫州府志在華蓋山

富覽亭 明一統志在永嘉縣郭公山 萬歷溫州府志

宋嘉祐三年知州楚建中建 沈紳為記

留雲亭 萬歷溫州府志郡城東南積穀山城沿其上

上有留雲亭 永嘉縣志明萬歷中重修改為東柄亭

絕境亭 名勝志宋邑人周行已建於郡城積穀山上

周行已絕境亭詩雲橫絕塵境峻堞若繩削羣山列塔雙雲水分脉絡下瞰萬瓦居縹緲見樓閣松風發天籟冷然衆響作晶瑩天宇淨塵襟一澄廓

積穀亭 溫州府志在府治東南積穀山矧立危巖俯

瞰大海為一方壯觀

四時萬象亭 明一統志在府城北門江濱元黃潛有

記

南亭 晏公類要在州南一里太平寰宇記卽謝公游

處謝靈運游南亭詩時竟夕澄霽雲歸日西馳密林含餘清遠峯隱半規久痾昏墊苦旅館眺郊岐澤

蘭漸被徑芙蓉始發池未厭青春好已觀朱明移戚戚感物歎星星白髮垂藥餌情所止衰疾忽在斯逝

將候秋水息景偃舊涯我志誰與亮賞心惟良知

北亭 方輿勝覽在州東北五里謝靈運秩滿與民叙

別於此

謝公亭 何文淵謝公亭記江心寺之西南陬舊有謝

公亭相傳靈運守永嘉時來游必憇於此林彥登謝公亭詩乘

開遠過中川寺孤嶼亭前落照時漫策枯藤尋往事笑摩蒼蘚讀殘碑江涵北郭天初霽草綠西堂夢已

離惟有風流消不盡海天空濶鳥飛遲

懷謝亭 永嘉縣志唐吳曾為永寧令慕謝康樂之風

構亭曰懷謝

江山一覽亭 萬歷溫州府志在郡城華蓋山巔永嘉縣志

亭後圯明嘉靖中重建改為吸江亭萬歷中復建改名大觀亭侯一元大觀亭詩華蓋倚城巔登臨萬木

煙亭孤當落日江遠欲浮天雙樹春雲裏孤舟野水前春心成浩蕩一倍惜離筵

襟江亭 萬歷溫州府志在郡城江北永寧山上永嘉縣志

亭在章山萬歷中守衛承芳題其岩曰鏡臺

白岸亭 太平寰宇記在永嘉縣楠溪去州八十七里

因岸沙白為名謝靈運白岸亭詩拂衣遵沙垣緩步入蓬屋近澗洧密石遠山映疎木空

翠難強名漁釣易為曲援蘿聆青崖春心自相屬交交止榻黃吻食苹鹿傷彼人百哀嘉爾承筐樂榮

悴迭去來窮通成休慼未  
若長疎散萬事恒抱朴

筆亭 永嘉縣志縣治西北郭公山有晉郡守王羲之

筆亭久圯今字跡猶存

望海亭 名勝志永嘉縣青巖山兩山如門宋永明中

郡守顏延之於此築亭以望海

醉樂亭 溫州府志在永嘉縣西五里西山宋郡守孫

懋建 秀十數步內輒自為拱拱高不孤聳下亦疑止

陰陽附從向背以情水至城西濶千尺自峙巖港至

綠野新橋波蕩縱橫舟楫各出蓮菱中權歌相應和

已而皆會於思遠樓下土人以寒食掃冢而祭相與

為遨嬉城內外無居人焉故西山之游為最著然地

狹而專民多而貧邀者心競不相下或舉債移質為

畢事而已固不能闕珍麗窮水陸也守長不察曰噫

侈富甚矣貪辱所窺暴令繩之必邏捕以酒奪其笑

語械縛撻擊權利數倍嗟夫以窶從奢求一日之樂

而貽終年之憂不變者何也朝議大夫直龍圖閣宣

節始罷榷弛禁縱民自飲又明年宅西山之中作新

亭以休邀者名曰醉樂取昔人醉能同其樂之義公

性不喜飲其政不專為寬蓋通民之願而務得其情

如此亭成而民歌樂之當是時四隣水旱不常而永

嘉獨屢熟始天亦以其人之和者應之歟古之善政

者能防民之佚游使從其教節民之醉飽使歸於德

何者上無所利以病民也及其後也因民之自游而

為之禦招民以極樂而盡其利民猶有不得游且樂

則其賴於生者自己薄也故予記公之事既已賢於

今之所謂病民者而推公之志又將進於古之所謂

治民者也紹 熙五年記

駐鶴亭 明一統志在府城南宋白玉蟾嘗寓此

翠微亭 萬歷溫州府志在永嘉縣廣化鄉太平山

翠微亭詩飛蓋出西郭正當新雨晴遙山已可數木落更分明

敬亭 永嘉縣志 鮑若雨商霖有屋於雁池河南張思

叔命之曰敬亭

張繹敬亭記鮑君商霖率二三子自永嘉來學於伊川先生勤苦自勵早

夜孜孜不舍於吾先生之門人以君為畏友也一日謂余曰永嘉素號繁麗而雁池又其衝也吾家作亭於其南而中間大湖浩然若千里大江之阻吾將綵衣婆娑其下雖繁華於我何加予應之曰噫子言過矣使子有主於中雖坐諸紛華中可也不然特形苦而心馳一勺之水奈子何昔吾聞諸先生曰學之道始乎敬而已敬則實實則虛虛則無事矣子推是言而求之慎思之明辨之篤行之合釀浸化亦將庶幾乎言未既商霖起拜曰予無敢言矣吾今而後知夫子之道大而子不欺也請名其亭曰敬

千橋亭

來鷗亭

留勝亭

萬歷溫州府志 俱在永

嘉縣姚溪

泉樂亭

蓮嶼亭

圓照亭

並見楊蟠永嘉白豚

三高亭

隆慶樂清縣志 在西塔山半俗呼半山亭有

碑刻云晉王羲之宋謝靈運唐孟浩然曾游此

雙瀑亭

隆慶樂清縣志 在簫臺峰下

王十朋雙瀑詩注亭壞久矣洪

丞命工起廢氣象一新

翠微亭

雁山志 在靈巖靈峰中道

更幽亭

萬歷溫州府志 在樂清縣白鶴寺前

忘歸亭

雁山志 在大龍湫下

侯一元忘歸亭觀大龍湫詩沿洄一里溯漣漪

旋見銀河絡地維陰澗玉龍呈天矯天風織女颺機絲日斜烟霧蒼崖斷潭隱雷霆暮雨垂可是忘歸更忘去出山流水意俱遲



看不足亭

雁山志在靈峰洞詎那觀瀑臺之上

藍玉亭

雁山志在雙峰寺側

觀海亭

萬歷溫州府志在樂清縣白沙嶺

岑山亭

萬歷溫州府志在樂清縣

張翥岑山亭詩百尺新亭起碧濤長

藤古木鬱蕭森水重山掩分吳越夕落湖生自古今飛鳥去邊浮海色夕陽明處散秋陰五雲長近仙臺

上時聽鸞 簫月下吟

春暉亭

隆慶樂清縣志在櫟川

王奕春暉亭為櫟川子武詩昔人念親心

何如喻彼百草蒙春暉一川含綠草方長滿地落紅春已歸草欲報春春欲收子欲養親親不待嗟哉物爾人亦然對草無言淚如海陽春有脚還復來今年花謝明年開慈親一去不復見畫圖空寫春風面櫟川有子思報親結草作亭留白雲親恩難耐春易度倚闌干怨春暮寄言孝子須惜時流光暗促親顏

移春盤薦脆須及早 莫待酒澆墳上草

八老亭

名勝志在樂清縣沐簫泉下

臨江亭

萬歷溫州府志在樂清縣萬橋旁

代笠亭

王十朋代笠亭記吾家之西北原有田二頃

季弟昌齡即田之畔創容膝之亭而名以代笠

清安亭

隆慶平陽縣志在縣治林宜孫銘

望月亭

愛濂亭

苒香亭

萬歷溫州府志並在平

來陽縣治

西山爽氣亭

隆慶平陽縣志在縣南

叢桂亭

明一統志在平陽縣治南宋時邑人同年登

東傳清江通志 卷五十一 古蹟十一 三  
文武科者十六人令徐以道爲建此亭 邑人同平

雨暘一憇亭 萬歷溫州府志在平陽縣蕭家渡

來儀亭 萬歷溫州府志在平陽縣鳳山又有醉翁亭

東耕亭 陸山亭 隆慶平陽縣志並在陸源 並亦平

應夢亭 萬歷溫州府志在平陽縣鳳林鄉青華山宋

林夢桂記 泗川之柳陰容烈之亭而谷以升登

馭風亭 雪坡亭 倦游亭 問山亭 絕塵亭 萬

歷溫州府志並在平陽縣萬全鄉鳴山

甘泉亭 萬歷溫州府志在平陽縣金丹鄉宋德祐二

年 汲水處

雲松亭 仙壇記 平陽縣仙壇舊有雲松亭

此君亭 萬歷溫州府志在平陽縣林宜孫記 宋

仰雲亭 平陽縣志在象灣山

超覽亭 仙巖寺志在清虛樓後初名挹芳 宋

仰止亭 萬歷溫州府志在瑞安縣仙巖邑令高賓爲

陳止齋建 高賓仰止亭詩 一道飛泉瀉兩崖 四山佳

樹小亭借坐消烟靄 青天出千仞峰頭見

觀瀑亭 溫州府志在瑞安縣崇泰鄉仙巖梅雨潭側

振玉亭 仙巖寺志在梅潭崖上坐觀飛瀑今改名映

一 亭 仙巖寺志在梅潭崖上

一 憇蓮亭 仙巖寺志在慧光塔下

翠微亭 萬歷溫州府志在瑞安縣仙巖上宋木天駿

一 建 萬歷溫州府志在瑞安縣仙巖上宋木天駿

流觴亭 仙巖寺志在憇蓮亭傍亭制八角曲池象之

鑿渠引泉宛然永和故事

一 尋壑亭 仙巖寺志在通元洞下

一 海觀亭 萬歷溫州府志在瑞安縣龍山塔院後改名

一 大觀 萬歷溫州府志在瑞安縣龍山塔院後改名

潭風亭 浮舟亭 萬歷溫州府志在瑞安縣來暮鄉

一 五雲瑜珈寺 萬歷溫州府志在瑞安縣來暮鄉

清音亭 名勝志在今泰順縣庫村宋郡守吳繹建

一 交溪亭 名勝志在泰順縣受城門外

川山亭 萬歷溫州府志在泰順縣

蓮花巖亭 溫州府志在泰順縣八都

拱北樓 萬歷溫州府志在子城上

中和樓 東甌遺事在郡治圍內施守建

鎮寧樓 萬歷溫州府志在郡城拱辰門外下臨永寧

江

池上樓 太平寰宇記謝公池在州西北積穀山之東

謝公夢惠連得詩於此萬歷溫州府志在豐暇堂北

謝靈運登池上樓詩潛虬媚幽姿飛鴻響遠音薄霄  
魏雲浮泗川作淵沈進德智所拙退耕力不任狗祿  
返窮海卧疴對空林衾枕昧節候塞開暫窺臨傾耳  
聆波瀾舉目眺嶠嶽初景革濤風新陽改故陰池塘  
生春草園柳變鳴禽祁祁傷幽歌萋萋感楚吟索  
居易永久離羣難處心持操豈獨古無悶徵在今

謝公樓 晏公類要在州東北五里本北門樓也萬歷

溫州府志在郡城拱辰門上謝靈運游適之地

思遠樓 方輿勝覽對西山羣峰瞰會昌湖里人於此

觀競渡萬歷溫州府志在郡治西南宋郡守劉述建

元郡守阿都赤復建林泉生思遠樓記思遠樓在永  
嘉郡治之西冠山履湖為東州

勝地以其思致幽遠故名或曰為浮屠惠遠者非也  
舊樓燬於至正辛巳之冬又明年癸未太守西夏嘉  
議公廣其故址作崇臺高榭甍飛棟舉燦然加盛於  
舊既成太守燕客其上遙望晴峰落日長河流雲

開茂各禾麥滿野蒲菰荇茨之屬襍選川澗無  
類漁歌樵唱相往來應答於空濛杳靄間皆足以滌  
煩慮發幽趣也公名阿都赤字孝和字禮部出典是  
邦政務長厚云葉適雪後思遠樓曉望詩臘盡凍初  
合風花江欲平急從高處賞已向歲前時莫與  
鬢爭白試將身比清樓頭接遠岫歷歷正分明

浩然樓 王叔杲孤嶼記孤嶼江心寺林木交蔭殿閣

輝敞獨浩然樓峻竦洞達坐其中滄波可吸千峰森

前孟襄陽所咏衆山遙對酒是也

與造物游樓 趙師秀有題陳水雲與造物游樓詩見

溫州府志

文峰樓 永嘉縣志宋陳聖元早舉於鄉築此樓吟咏

自適

冷吹樓

溫州府志在賜湖

王至言冷吹樓詩吹臺倒影湖波綠湖上風光看不

足三溪小匯如雲流岸草汀花還斷續壽藤老樹周  
四圍橫空白鳥啣魚飛平沙垂柳蔭小艇烟波縹緲  
圍魚磯奕世相承此湖長憑虛傑構恣清賞水光山  
色一凭闌十里荷香還蕩槳月節花時總稱情辟寒  
消暑拉同盟穠華不減長春苑虛籟疑聞緱嶺笙酒  
盃茶局閒清晝湘簾疎簾明遠岫竹下迷離催煮茶  
湖邊彷彿飄紅袖畫船搖曳循洲渚明月霓裳歌白  
苧鶯語問關綠樹中傲殺東鄰採蓮女越幽偏事  
事宜風流更覺勝當時獨憐清  
夢蒹葭隔一水盈盈若有思

東樓

西樓

南樓

臨圃樓

並見楊蟠永嘉百咏

章義樓

萬歷溫州府志在樂清縣驛頭舖南閣章獻

建置義田三十畝晉安鄭善夫詩檢書已得忠臣傳

問俗兼聞章義樓

昭義樓

萬歷溫州府志在樂清縣鶚頭

東晉造樓  
靖二十五年

海寇劫鶚頭處州牟洪等  
拒戰勝之縣為立昭義樓

錢王樓

隆慶平陽縣志在前倉寶勝寺吳越錢王曾

宿於此址存

靜樂樓

戴星樓 溫州府志並在瑞安縣治

積翠樓

仙巖寺志在西積翠峰之前

清虛樓

仙巖寺志在超覽亭前

王應辰春日再過仙  
巖就清虛樓小憩詩

兜率何年寺春風兩度游覺花明寶樹法雨灌靈湫  
徑轉聞松籟溪回見蕙洲繩床猶可借信宿上方樓

聽瀑樓

萬歷溫州府志在瑞安縣雲頂院上

趙帆聽  
瀑樓詩

佛巖蕭洒亂山根一派從來八水源  
瀉瀑橫飛龍獨挂石形中斷虎雙蹲

紅雲閣

甌江逸志溫州州治宋時建紅霞閣簷外有

紅梅一株又名紅雲閣

楊蟠紅雲閣詩重重風日透花氣滿池塘誰把紅雲比紅

雲無此香

澄心閣

萬歷溫州府志在舊治秋香堂東

滄浪閣

明一統志在府城內宋建

澄鮮閣

王叔杲孤嶼記孤嶼江心寺左為孤嶼亭越

亭數武為澄鮮閣瞰長江有二巖竚立波心當閣前

西望掛彩諸峰如挾浪浮動焉

冷翠閣

萬歷溫州府志在郡城護國寺楊蟠有詩

臺盤閣

溫州府志在永嘉縣大羅山卧龍潭

御覽閣

萬歷溫州府志在永嘉縣金魯福聖寺宋南

宗駐蹕於此

竹閣

見楊蟠永嘉百咏

鼇山閣

名勝志瑞安縣西峴山有鼇山閣在其上宋

建

蘇起鼇山閣詩從來海上足名山向嶠方壺指顧間賴有此軒相映帶盡收佳景在人寰

觀潮閣

名勝志在瑞安縣峴山上宋時建葉適瑞安縣聽事記

郭西有觀潮閣遺址平視海門衆山葱蘢魚龍變怪為一縣奇特王十朋觀潮閣詩高臨無地屹山腰今

古知觀幾度湖水鑑掛空波正滿鯨魚入穴浪還消雪初出地神龍怒銀忽成山海若驕聖世風濤合平

靜不應泛溢似前朝

問月臺

明一統志在府治東宋時築

下馬臺 東甌遺事在元妙坊宋高宗謁天慶宮神御

時於此下馬

吹笙臺 名勝志永嘉縣南吹臺山上有王子晉吹笙

許景衡吹笙臺詩聞說笙臺上秋來鎖薜蘿白雲  
紫自在幽徑復誰過天末空懸睇尊前且浩歌山

林與廊廟二  
者竟如何

飛綃臺 見楊蟠永嘉百詠

秋月臺 溫州府志在子城上

雪臺 隆慶樂清縣志在縣治

蛾眉臺 萬歷溫州府志在平陽縣治東隅

舒嘯臺 瑞安縣志在清泉鄉東山筆架巖左宋許景

翁遷居於此高宗賜額今遺址尚存

妙高臺 瑞安縣志在清泉鄉

讀書臺 仙巖寺志在仙巖上宋陳止齋讀書於此鑿

盥手盂於崖畔今尚存

嘉樹臺 仙巖寺志在憇蓮亭右有古榕極怪

瞿素宅 永嘉縣志縣有瞿嶼山吳義士瞿素所居

李整宅 萬歷溫州府志郡城內習禮坊晉李整捨宅

為崇安寺唐改開元寺

劉沖宅 萬歷溫州府志去郡東南四十里大羅山唐

劉沖隱居處後人稱廉讓里

李集宅

永嘉縣志唐宗室李集隱居茶山

蔣湛宅

溫州府志永嘉縣西五十里建牙鄉後梁蔣

湛隱此刺史季廣琛建牙持牒詣其家徵之

李少和宅

名勝志永嘉縣大羅山宋李少和世居於

此太宗真宗屢召見之

朱士廉宅

萬歷溫州府志永嘉縣北仙桂鄉宋朱士

廉居此

周行已宅

東甌遺事郡城小雁池東畔有宋儒周恭

叔故居舊名浮沚今為浮沚書院

周行已浮沚記云浮雲其生泛然出

油然歸行名無位凡民如也有鄉無居逆旅如也戲室浮光山之下古西射堂之遺址葺然小洲練以釣

水予視吾生若漚起滅不常予視吾身若萍去留無止以吾無止之身而處暫寓之室聚沫也塵垢也蟬

蛻也芻狗也於吾何有哉政和歲在執徐六月癸丑颶風大作僑隳門毀簷折雨漫乃易橋以舟瑾北戶

而南嚮增簷為軒容足之苟安按爾雅水中可居曰洲其小者曰沚人所為曰濇予惡濇之名而欣沚

之義於是總其名曰浮沚浮沚之西舊為小閣名曰漚閣浮沚之東新為小軒名曰萍軒其沚舊為門道

所從出闢而為室名曰浮室室者室也室吾心之陰幽不善也其南假道於隣引舟而渡到彼岸焉名曰

後渡渡者度也度一切陽明之善也是吾居也因水而為洲因洲而為室因室而為名因名而為義義皆

浮義也寄焉宜也聊爾而已耳故吾不獨浮其仕又且浮其居不獨浮其居又且浮其生然則有之而何

得無之而何失吾聞古之有道也貧而樂窮而通豈謂是歟非曰能之願學焉記以自警

蔡幼學宅

萬歷溫州府志永嘉縣慶善坊宋尚書蔡

幼學居此



周侃宅

永嘉縣志招賢巷宋周侃居此

伊導宅

永嘉縣志縣西南孝義鄉宋伊孝子居此

葉適宅

名勝志永嘉縣有西湖南湖總謂之會昌湖

宋葉適世居西湖之水心號水心先生

萬歷溫州府志適之先自

處州之石林徙永嘉城南水心其所居有華堂

戴溪宅

名勝志永嘉縣岷岡山宋儒戴溪築室其上

稱岷隱先生

趙建大宅

萬歷溫州府志永嘉縣六都新建街宋狀

元趙建大所居

阮放宅

隆慶樂清縣志湖潢山世傳晉阮放居此

張鷹宅

方輿勝覽樂清縣白鶴山一名丹霞山晉張

文君隱居於此郡守王羲之訪之文君遁入竹去後

捨為白鶴寺文君名鷹

焦千之文君宅詩曾是文君宅幽溪鎮翠峯澗松迷白鶴

溪石隱黃金丹竈今猶在簫臺尚可尋予來不能厭誰共聽泉音季建中張文君宅詩玉簫峰下仙君宅

千樹巖花幾百春當日會稽王內史如何不見竹間人

張少府宅

孟浩然有除夜會樂成張少府宅詩

樂成今樂

清縣

沈著作宅

萬歷溫州府志在樂清縣澗村

錢堯卿宅

隆慶樂清縣志蒲圻龍穴山宋錢堯卿居

此

錢朝彥宅

溫州府志在樂清縣白石

王十朋宅

名勝志樂清縣東北三十里左原山羣峰

環繞中有田二千餘畝民居悉藏谷中一峰如卓筆

有梅溪葑湖左嶺為小雁蕩王龜齡之居在焉王十朋左

原詩并序樂清之東有山名左原以其居邑之左也  
中有左嶺左湖左口皆以左名之予七世祖自杭徙  
溫家於是原地雖荒僻有山水足以自娛予丐祠得  
請日與兄弟隣里有杖屨登臨之適原中景物可資  
賦詠者各識以詩預作休休詩先開小小園杖藜成  
日涉得趣與心論右小小園一閣僅容膝閉門塵慮  
捐讀書心已懶高臥腹便便右便便閣小徑循園關  
青青草色都主人猶未仕時得理荒蕪右青青徑遶  
舍種修竹清風長滿筵天姿本來淨不雨亦涓涓右  
涓涓林九畹何人種光風泛國香林間今幾許鼻觀  
日揚揚右揚揚晚吾園豈不富黃金無數  
錢誰云何用如霜寒白鮮右鮮鮮右鮮鮮砌

謹按王十朋有至樂齋賦有四友堂觀先君子遺跡  
詩有書小成室詩有題東園詩有書率飲亭壁詩有  
自題陋齋詩有書不  
欺室詩並宅中名也

林幹宅

隆慶樂清縣志在木榴山

黃友宅

萬歷溫州府志在平陽梅源御書忠節傳家

旌其閭

林逢龍宅

平陽縣志在寶巖山中

林景熙宅

名勝志昆山之陰有白石巷乃宋林景熙

所居

陳傅良宅

名勝志在瑞安縣仙巖山陳傅良授徒於

此朱晦翁來訪之書溪山第一四字

王奕宅 溫州府志在瑞安縣霞碧山宋霞碧山人王

奕居此

卓敬宅 萬歷溫州府志在瑞安縣卓舉

吳哇宅 泰順縣志唐吳哇宅今屬縣之庫村

墨池 萬歷溫州府志在城內墨池坊王右軍臨池作

書於此米芾書墨池二大字 葉式墨池記右軍刺溫多惠政政暇輒復臨池

以適其情後人因祠於郡城東南而尸祝之祠之東為墨池其制方其水列或云即逸少滌硯所至今水面時見墨點如蝌蚪汲之無有凡鴻生碩儒游宦於茲者往往有所紀述使右軍無他善而區區臨池之工亦何足志顧其生平履歷有大焉者此溫之人所以拳拳斯池更千百載庶幾乎甘棠之風也

陽湖別墅 永嘉縣志郡城南陽舉山有邑人王叔泉

陽湖別墅

瓜廬 溫州府志薛師石築室會昌湖上名曰瓜廬

秀薛氏瓜廬詩不作封侯念悠然遠世紛惟應種瓜事猶被讀書分野水多於地春山半是雲吾生嫌已老學圃未如君

雲門福地 萬歷溫州府志在樂清縣治東澄清坊宋

紹興中令王傳作亭 劉敞雲門福地記雲門界闡閩區中東侵西軼弗而不治者幾

寒暑矣少府俞君道明攝縣事首訪民瘼且知茲土不克復其舊者勢家軋之也俞君曰夫既謂之福地則亦一邑之民望也長民者不以怵而阻則以懈而寘以奚取遂按圖經發蕃啓塞而盡得之周以垣墉場以門扁而求記於予天道家者流所謂洞天福地特其寓耳賢令尹心乎予其民不強禦不憚勤勞苟有以福吾民是即福地也咸淳二年記

五福堂

盤谷精舍 溫州府志在樂清縣盤谷山宋王朋之

孫築精舍於此

登瀛門 明一統志在樂清縣東以宋王十朋魁天下

故名路出黃巖縣界

種玉畦 萬歷溫州府志在瑞安縣福金山陶弘景修

煉之所

陶宏景丹室 元豐九域志在瑞安縣西四十里

隱居丹室記崇寧三年夏六月維揚呂君少逸來游是邑以其餘暇歷覽山川得陶隱居先生丹室於陶山佛寺先生本史故不載嘗至此方覽嵩采登真訣作別傳云梁天監中自海道至永嘉得木嶼居之以作丹今永嘉境中無所謂木嶼者而室之下有仙壇丹井雖歲久相傳不可驗考然山之為陶山舊

矣豈山以人著乎按諸家傳皆云先生長七尺二寸神儀明秀膚色哲澤今其像繪乃趙清獻公尋閣下本傳置室中

升仙壇 瑞安縣志陶山前江後湖陶宏景隱此有升

仙壇

大荆澤 王思任

澤

